

PRIJEDLOG

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“ broj 49/06) i člana 18. Statuta općine Maglaj („Službene novine općine Maglaj“ broj 8/07,3/08 i 6/08), Općinsko vijeće na sjednici održanoj dana _____ 2022 godine donosi

ODLUKU

o izmjeni i dopuni Odluke o izmjenama dosadašnjih i utvrđivanju novih naziva ulica u gradskom području Maglaja

Član 1.

Ovom Odlukom član 3. Odluke o izmjenama dosadašnjih i utvrđivanju novih naziva ulica u gradskom području Maglaja („Službene novine Općine Maglaj“ broj 3/08), koji se odnosi na raniju 5.ulicu a sada ulicu „1.marta“ u Maglaju, mijenja se i dopunjava u dijelu, odakle dokle se prostire ulica i glasi:

„Ranija 5. ulica a sadašnja ulica „1.marta“ prostire se od kružnog toka pored stare zubne ambulante do željezničke stanice, gdje se razdvaja u dva kraka i to jedan krak ide preko raskrsnice ulicom između autobuske stanice i četiri bijele zgrade, a drugi krak nastavlja od željezničke stanice, pored stadiona do raskrsnice sa ulicom Srebreničkih žrtava rata“.

Član 2.

Član 8. koji se odnosi na ulicu Kulina bana mijenja se i dopunjava u dijelu odakle dokle se prostire i glasi:

„Ulica Kulina bana prostire se od raskrsnice sa ulicom Srebreničkih žrtava rata, pored kuća paraplegičara do raskrsnice sa ulicom 1.marta.“

Član 3.

Izmjena Odluke stupa na snagu danom donošenja i ima se objaviti u Službenim novinama Općine Maglaj.

Broj:

Datum: 2022.

Predsjedavajuća
Svjetlana Zamboni

O b r a z l o ž e n j e

Pravni osnov za donošnje ove Odluke je član 13. Zakona o principima lokalne samouprave u Federaciji BiH („Službene novine FBiH“ broj 49/06, 51/09), kojim je regulisano da „Organ odlučivanja jedinice lokalne samouprave je općinsko vijeće u općini...“

Odlukom o izmjenama dosadašnjih i utvrđivanju novih naziva ulica u gradskom području Maglaja („Službene novine Općine Maglaj“ broj 3/08), su promjenjeni dotadašnji nazivi ulica i utvrđeni novi nazivi ulica u gradskom području Maglaja.

U članu 3. navedene odluke utvrđen je novi naziv za raniju 5.ulicu koja se ubuduće zove ulica „1.marta“, i utvrđeno je odakle dokle se ista prostire.

Međutim kako je bilo dilema oko naziva za dio ulice koji se prostire od željezničke stanice pa dalje ide prema stadionu do ulice Srebreničkih žrtava rata, kao i za dio ulice koji se nalazi između Autobuske stanice i četiri bijele zgrade, javila se potreba da se tačno precizira odakle dokle se prostire ulica 1.marta.

Slijedom toga javila se potreba da se precizira odakle dokle se prostire ulica Kulina bana tako da se predlaže izmjena i za ovu ulicu, kako je navedeno u članu 8.

Zbog gore navedenog Služba je pripremila prijedlog Odluke i predlaže Općinskom vijeću da usvoji Prijedlog Odluke o izmjeni i dopuni Odluke o izmjenama dosadašnjih i utvrđivanju novih naziva ulica u gradskom području Maglaja.

Obrađivač:

Saračević Jasminka dipl.pravnik

Kontrolor.


Ćatić Nedžad, dipl.ing.geodezije

Predlagač

Općinski načelnik

Mirsad Mahmutagić





Na osnovu člana 13. Zakona o principima lokalne samouprave u Federaciji Bosne i Hercegovine («Službene novine FBiH», broj: 49/06) člana 18. Statuta Općine Maglaj «Službene novine Općine Maglaj», broj: 8/07. » i prijedloga Komisije za obilježavanje značajnih događaja i ličnosti iz historije Maglaja, Općinsko vijeće Maglaj na sjednici održanoj dana 17.4.2008. godine, donijelo je

ODLUKU
o izmjenama dosadašnjih i
utvrđivanju novih naziva ulica u gradskom području Maglaja

Član 1.

Ovom Odlukom mijenjaju se dosadašnji i utvrđuju novi nazivi ulica.

Član 2.

Ranija 3. ulica, koja se prostire od sjeverne maglajske petlje do križanja sa Viteškom ulicom (kod zgrade MUP-a) mijenja naziv i ubuduće se zove Bosanska ulica.

Član 3.

Ranija 5. ulica koja se sada prostire od «Sabix-Borik» d.o.o. (nova saobraćajnica) pored zgrade stare zubne ambulante pa do Željezničke stanice mijenja naziv i ubuduće se zove Ulica «1. marta».

Član 4.

Ranija 4. ulica koja se prostire između Viteške ulice i Sulejmana Omerovića (kraj prodavnice TIM) mijenja naziv i ubuduće se zove Sarajevska ulica.

Član 5.

Ranija 6. ulica koja se prostire kao nastavak 4. ulice do Dječjeg vrtića, mijenja naziv i ubuduće se zove Zenička ulica.

Član 6.

Ranija 7. ulica koja se prostire od Sportske dvorane pored Dječjeg vrtića i do željezničke pruge mijenja naziv i ubuduće se zove Ulica civilnih žrtava rata.

Član 7.

Dio ranije ulice (6. ulica) od Dječjeg vrtića do novoizgrađenih kuća paraplegičara, mijenja naziv i ubuduće se zove Ulica Antuna Hargina.

Član 8.

Ulica od zgrade RTV Maglaj prema kućama paraplegičara do Gradskog stadiona i oko stadiona zove Ulica Kulina bana.

Član 9.

Ranija 8. ulica koja se prostire od zgrade Privredne banke Sarajevo pored Sportske dvorane do rijeke Bosne, mijenja naziv i ubuduće se zove Ulica mladih.

Član 10.

Sadašnja 10. ulica – mijenja naziv i ubuduće se zove Pionirska ulica.